



明霞先生遺稿

^ 16
3416
3



門
號
卷
16
3416
3



47 3134

明霞先生遺稿卷之四

清溪青嶺四山香 日本近江守 鼎士新撰

五言絕句

咏木芙蓉

木末芙蓉發 嬋娟曉日中 秋風冷如水 紅白映青空

咏秋海棠

海棠秋睡熟 含露倚籬根 曉風吹不覺 初日滿前園

咏金燈籠

書案不勞照 金籠含赤珠 凋傷初見賞 誰復說榮枯



詠槿花

何傷一日榮終古得其名詞客千秋業幾多因爾成

新柳

橋頭一樹柳幾送別離人別離人未返春風柳色新

呈說應師八絕

一片比良顛雪留三月天如非郢中客那得兩相憐

其二

蕭瑟黃梅雨四山蒼翠愁獨憐如意頂瀑水濺城頭

其三

宇治問風流故物有僧院更憐勤王人霸圖空一戰

其四

城南離宮地田舍暮蕭條鳩嶺千年色翠黛獨妖嬌

其五

誰憐廣澤月每擅洛陽秋山影波間蕩一輪暮更浮

其六

高雄九秋暮霜葉照山中何說桃源裡春花滿目紅

其七

何處神泉苑一池城曲微秦封有白鷺猶向水邊飛

明霞遺集 卷之四
古天皇有封鷺為五位者

其八

城東鴨羽水，猶自可垂綸。
炊烟起煮鹽，憶古人古左大臣源融煮鹽於此

題奈良墨與墨人

子墨來何處，大和古帝州。
翰林誰作主，洛下見風流。

偶作

魚目羞明月，年不敢看。
中宵曾試望，更駭夜光寒。

其二

趙女漢宮粧，畫眉亦已長。
姤來翻自損，難復見君王。

其三

何物登徒子，自令好色聞。
那知儒雅望，千載楚天雲。

秋風引

秋風吹臥病，病裡幾秋風。
綠髻應吹盡，安仁興味窮。

其二

靜窓驚遠夢，忽爾還千里。
也知客夜中，幾處鄉心起。

其三

山峰開黛色，城市拂塵氛。
吹送知誰為，朝來一片雲。

初月

新月光猶細，有無落霞際。忽爾入西山，秋風吹碧桂。

其二

天霽輪先分，雲空影未散。此夜庾家樓，秋色在河漢。

坪公遂臥病

莫以楚臣心，兼為越客吟。秋風吹病色，故國海雲深。

題巢父許由圖

箕穎近塵寰，姓名未得閑。那知牽犢去，也入畫圖間。

春雨

春雨

冥冥春日雨，寂寂鎖春城。高臥人逾靜，閑看新草生。

尋梅

梅花猶未發，影落水流清。日暮浮雲盡，一枝空月明。

擬田家春望

東風吹萬里，晴靄擁孤村。坐盡平郊色，三春不出門。

小集得目字

共憐明月珠，玩來又韞匱。不愁按劍多，獨恐混魚目。

咏天燭

圓實明珠燦，色侵葉深閑。庭霜雪裏自照，夜光沈。

與孔肇公實分韻得虎字

換酒少銀魚揮毫無繡虎貧病在明時四壁映千古

又得海字

意氣結交遊文章滿湖海青雲避一時白日爭千載

小集得淚字

江湖抱璞玉不向荆王試四海別離間時揮丈夫淚

題畫

薰風池水靜荷葉兩莖新翡翠窺魚出集來不避人

咏牽牛花嘲人不堪學

青花延綠蔓籬上向初陽籬上初陽滿青花却自傷

聞笛

清秋明月夜長笛一樓風聽得入多少感來各不同

與孔肇公實分韻得遠字

七月苦炎熱坐憐白日晚晚來試出門秋色滿近遠

得壯字贈二子

遊蹤渡海遠志氣逢秋壯豈少楚臣悲故鄉不可望

寄孔肇

歸來鄉里春隣並事多新莫見兒童長還驚歲日頻

題擔薪圖

勤勞禿頭髮何處採柴薪負米先賢事誰疑也為親
堂上客散後有遺扇不知誰為主執而題之
恩深合歡扇携得暮秋天遺却窓前去何如篋裡捐

題浪華月溪師扇

春日江城下東風自有餘携來人共怪不是右軍書

題遠浦歸帆圖

落日歸心切晴波路尚賒風帆指烟樹一片向誰家

奉謝清和僧正贈花

庭花開淨域紅白擅春色今與讀書人光輝滿幽仄
為管公賦三物奉謝其賜之

簪紱有幽情閑庭野草生百花開五色漆翰自相爭

簪紱有幽情閑庭野草生百花開五色漆翰自相爭

右花草

新摘城南茶清芳堪破睡金莖露一杯不羨漢臣賜

右新茗

蒲桃將荔枝各自誇南北東海餌如花翻輕造化力

右果餌

咏柳條穿為慈照禪師

自惜美珠奇不從高敞披應須慎風雨恐有蟄龍窺
題嵐法橋畫山水

絕崖古木聳淡月泛清流客子訪山寺橋邊興未休
七言絕句

寄士朗

融風物洛陽城東望關山路幾程獨處春來何限
意不惟芳草管離情

奉和大潮禪師見寄

秋風臥病夜漫千里懷入海氣寒那識君從碧雲

外雙龍却向斗邊看

送大潮禪師之江戶

富士山頭雪已消芙蓉萬仞枉岩堯郢歌為作春前
色轉識西來真氣驕

其二

海濱風物客中移京洛重思分手時即使雁王傳旅
况休教燕子先歸期

寄北子彝

煙花二月滿皇州朋好知君憶昔遊此日琵琶湖水

上何人沽酒解春愁

秋日作

十載蓬蒿病自憐，秋風偏動二毛前。
誰將故畝觀濤興，來問安仁作賦年。

九日

西風病色日相看，黃菊花遲白露寒。
生事從來多感慨，更逢佳節自寬難。

贈望玉蟾

看爾含毫興悠然，堪稱身是畫中仙。
一山一水一盃

酒山水還搖笑傲前

五日簡彥章

黃梅雨霽碧天披，角黍蒲觴不負期。
無那騷人還伏枕，煩君且訪獨醒悲。

立秋

昨日微霜兩鬢新，西風一陣復驚人。
悲來氣色秋多少，作賦年二屬病身。

世祥至自攝津

西風誰復問悲哉，江海相思客自來。
憐爾能從秋色

則晉遺和 卷之四
裡故園情好不遲回

寄祖栢禪師

一輪天月浪華城散入江流處
清桂影不隨雲態
變秋來更向指頭明

晉周禪師既喪其師去越後適丹波偶輶遊洛
和余舊贈携以過訪賦呈

一自春山送別離碧雲翻使我曹悲
西風城上吹秋色白日重開囊裡詩

其二

何處徘徊祇樹林離憂遙向故山深
誰憐客旅三年月長照蓮花一朶心

送周禪師適丹波

共說三秋離索情無端又指嶺雲行
知君白法徒何處嘆我紅塵絆此生

說應上人來過話近况且示詩詩美甚賦贈上人
武藏人來仕本願法主

室王殿裏幾年來抱壁徘徊說法臺
即有蒼蠅輶相近清光自似白毫迴

其二

秋池新發白蓮花，絲筆兼携居士家。
為咲何人成貝錦，却令愁裡長才華。

寄神應古溪禪師

城南南望一孤山，誰復風流解往還。
即不難經從社裏，如何縱酒在人間。

答彦章

偃蹇終年世事違，秋來轉擬薜蘿衣。
言人境心能遠，堪咲西山採蕨薇。

中秋和士朗贈田芥，暫遇時士朗新病起。
佳期憐君懶登樓，病起還同臥裡秋。
詞客何須尋七菽，此宵相值自風流。

明霞軒

蓬蒿聊欲擬幽林，無那鶯塵咫尺侵。
唯有明霞軒上，波時掩映白雲心。

其二

十年京洛幾移居，綠水青山猶自踈。
却見明霞如有意，相從來照一林書。

其三

誰道明霞高可餐，坐來遙向日邊看。
絲毫便借千秋色，白首何愁四壁寒。

其四

明霞當日滿皇州，色借朱旗映玉樓。
誰料江湖從白屋，獨將詞賦照清秋。

其五

綠酒青樽帝里春，明霞幾處映花新。
如今霄漢誰相賞，長屬閭閻臥病人。

憶士清

雪霽千山帶曙光，江天西望自蒼茫。
料君坐見輕舟去，清興還從此際長。

贈彥章

年少誰知賈誼文，春來裘馬轉紛紛。
青山無恙千秋色，洛下風流好屬君。

春宮怨

畫靜長門鎖畫樓，黃鸝紫燕去還留。
也知上苑鑾輿過，多少春花入御遊。

春雨小集得人字

欲携詞客和陽春，雲雨冥冥愁殺人。自是楚王臺上，色還堪一唱郢歌新。

春思

桃花爛熳柳條新，城上晴雲陌上塵。日暮江南幽草斷，洛陽春色更愁人。

西郊作

西野晴來深草木，龜山當日誰卜築。菟裘千載難重尋，蕭寺空看梁苑竹。

送人造大和

五畿名勝古皇州，詞客千年載筆遊。芳野山深長谷靜，知君到處興逾幽。

其二

南州佳麗舊稱雄，古寺蕭蕭王氣空。試看三輪山上，樹千年景色鬱葱。

其三

帝里繁華事已非，回看京洛五雲微。薰風處處春花盡，感慨偏知杜宇飛。

送世祥之浪華

浪華今似古揚州，城下江連大海流。
二十四橋明月夜，騷人何處繫蘭舟。

送江文伯自武藏歸肥前省尊人病

秣徂車馬劍裘間，上國豪華照客顏。
行路三千山水足，誰人不羨壯遊還。

其二

相逢洛下問西歸，欲向薰風看彩衣。
此地便堪留客子，青山處處杜鵑飛。

其三

春風問病故園情，歸日新逢起色清。
說得遊來多少勝，還如枚社叢初成。

題富士山圖

孤峰雲外壓千山，白雪斜分碧落間。
絕頂登臨看萬里，還從病客卧遊閑。

送大因禪師自西山輶之丹波

西山秋近白雲飛，西指山陰輶自違。
共道庭前松栢樹，秋風東偃報君歸。

太醫長尾先生六十壽詞為北子彛作

南山齊唱杖鄉年人自青雲東海邊還見蟠桃幾回
熟龍宮况有禁方傳

即事

雨洗琅玕脩竹新坐來涼氣滿衣巾斜陽影遠秋侵
夏細葉風多暑避人

擬送客遊洞庭

白雲無盡洞庭秋搖落偏堪賦遠遊幾處晴迷千里
目真將鴻雁動鄉愁

其二

岳陽樓閣俯波瀾客子登臨秋色寒吳楚東南碧天
盡君山唯向掌中看

其三

黃陵廟古綠蕪長明月空留帝女粧不待朱絃能鼓
曲秋風一陣斷人腸

送僧歡慧還甲斐

甲州名勝甲東州白額金峰列素秋客自遠遊詞賦
長烟霞更見入風流

其二

佳名千載鳳凰山，山上唯看綠樹閑。
君自惠休思麗藻，往還回首碧雲間。

其三

故國相辭又幾時，富山凝雪日初遲。
洛陽春色君元識，莫向芙蓉怨別離。

送本願說應上人從法主東朝

肩輿相引輶歸鄉，少長同迎驛路傍。
回首富山春雪遍，還將畫錦闥輝光。

和士清見懷

江頭花樹映春流，泛泛誰家載酒舟。
君自懷人情更切，何堪獨倚夕陽樓。

送良伯耕還讚岐

百花春盡洛陽城，柳色偏關離別情。
為道揚帆過赤石，海流千里夏還清。

其二

孤客西歸屋島邊，海天風物好誰憐。
黍離紀識中原事，波浪重傷壽永年。

君成見示十艘堤詩却寄

堤上行歌堤下舩春風相引興悠然獨憐京洛人多病
一樹花開伏枕前

重寄君成

黃梅雨暗轉愁人忽見翩錦字新休說陳琳書檄
事由來病客厭風塵

其二

頻年卧病興還高七叟誰能枚叔豪故國幾看鳴戶
浪煩君為擬廣陵濤

中延年臨別索文予不能應別後賦寄

漢代風流彼一時文章何用世人知病來况復踈慵
甚莫謂相如作賦遲

贈龜醫生生羨濃人

折肱誰見此徘徊金匱還知故國開養老醴泉今寐
莫幾人相問上池來

送孔彪歸攝津

六甲山頭幾片雲影移蒼翠望紛共憐歸客才華
映賦就篇自不群

送惠上人歸越前

緇衣歸去白山西，北陸秋風送馬蹄。故國正逢新月滿，何人同調更相携。

白山在越前，與屬加賀者不同。

卷之章

文物千秋一帝城，幾人能問子雲情。風塵更懶傳奇字，寂寞徒為閉戶生。

謝惠上人寄書

一別天涯歲月深，交遊無恙昔時心。越山風雲迷鴟

雁尺素迢迢寄好音

送曼卿東歸

相遇新知未盡歡，索居千里別離難。城頭多少青山色，幾歲重遊載酒看。

其二

君歸安在海雲東，驛路迢迢此地通。病客興來難命駕，祇言書信莫令空。

浪華橋翁壽詞為子玉作

江水悠悠接海迴，海雲江日照行杯。繁華豈少千金

壽不似斑衣彩筆開

寄平君

京洛徘徊已十秋，纔逢詞客又離愁。即令明主恩方厚，意氣能無憶昔遊。

送一童禪師歸若狹

拂衣歸去欲留難，北海陰風二月寒。說法臺邊雨花日，回頭桃李滿平安。

小集得柳字時病痔初已彥章孝熙亦然

烟花處難携手，同病相憐自朋友。此日過逢問歲

華陶家春色還楊柳

送熊君載歸周防

客子何年入洛時，烟花風月幾追隨。城頭初見青山色，此日偏能照別離。

其二

繁華千載帝王州，四海相逢賦遠遊。明日扁舟君獨去，天涯風雨重回頭。

河孝熙尊人來自石，見孝熙扶持遊伊勢及紀伊賦贈孝熙

壯遊千里，暫相遇。白髮新驚，別後多客舍。無魚甘菽，水知君彈，缺更悲歌。

其二

客中無奈，少斑衣。捧袂東南，攬勝歸為道。洛陽山更好，長看西北白雲飛。

擬邊庭四時怨

三月長安花已飄，平蕪霜白日蕭條。中原萬里春風意，也道關山路自遙。

其二

南天日望，夏雲生北地。偏知夜易明，夢裡且尋鄉國路。樓頭處，二角聲驚。

其三

塞外秋高，殺氣新。胡烽日，報烟塵。閨中不見邊愁切，唯覺寒衣更促人。

其四

轅門暮向，朔風開。風捲旌旗，朔雪迴。忽怪前軍金鼓絕，又言胡騎幾群來。

與孔肇公實公韻得還字贈二子

載酒看君倦，往還相携同住子。雲關莫今年，少窺奇字。併出玄經，向世間。

又得纓字

誰道明時誤，此生沈淪幾歲。洛陽城，墻東好作閑居賦。懶向滄浪自濯纓。

又得塊字

簾外狂風過，雨痕看催秋色。向黃昏中，原病客愁衰鬢。南海離人斷旅塊。

與孔肇公實分韻得遊字示二子

一葉梧桐萬里秋，幾人新動故園愁。洛陽城下南州客，未厭相携擁鼻遊。

又得遙字

雨歇空齋夜，寂寥月華星彩動。青霄休言閉戶心，長靜山水秋來想像遙。

又得丘字

才子明時難宦游，文章異代羨風流。白頭相逐紅塵裡，何似烟霞自一丘。

又有感

誰憐屈子恨悠，賦裏湘江不盡流。莫謂楚王長寐，
寔也尋臺榭，向山丘。

又

洛陽城裡綠，秋誰更道。憶故丘，病客自殊遊子。
意清風明月，欲登樓。

又得陵字

四壁秋風吹白髮，一床書帙散青燈。風流不減遊梁苑，
寂寞何愁卧茂陵。

又得吹字

春風昨日滿庭吹，草色蕭蕭柳色衰。壯而今君不
惜白頭空對綠樽悲。

小集得水字，懷孝熙

何來秋色青山裡，影落行雲泛流水。知爾高樓對濁
醪，相思獨自傳杯倚。

送人之丹波

大枝山上入山陰，山色遙連北海濶。知爾舊遊回首
望嶺頭，唯見白雲深。

愛宕山一名白雲

謝不破生惠柚子

醍醐山下滿林霜，日見寒烟橘柚黃。
為寄東籬菊，衰後清香也自長。

送人之河內

蕭條風物別離愁，南去誰憐似遠遊。
山跡浪華君試望，江流嶽色自千秋。

其二

金剛山色鬱嵯峨，客裡知君訪古過。
故國回頭看帝里，五雲無及白雲多。

橋翁壽詞

綠酒青樽東海開，高歌千里洛城來。
明時大國多眉壽，醉裡相從更幾迴。

重壽齋太夫人為公實

京洛文章足友生，故園稱壽此陳情。
含毫人感含飴切，南極星臨南海清。

其二

九十人生本自高，還看海上叢仙桃。
中原狂客遙相慕，偷得春光照彩毫。

送澤生歸尾張

洛陽城裡雪霏，客子明朝東海歸。為道重遊春日好，莫教花絮故園飛。

其二

憐君行色北風寒，病客蓬蒿駐馬看。誰怪交歡日猶淺，能令別離暫時難。

南海疫盛行，公實聞尊夫人亦染也。惚恍歸省賦以送別，兼祝夫人云。

見說南中霜雪繁，舟船明日問家園。可知堂下萱無

急獨動春光映倚門

脅母不起，公實獲凶聞於浪華書以訃告孟公。實出遊三年而歸，省不及生，能勝其情乎。賦以吊之。

片舟千里為誰迴，海色蕭條思轉哀。那識相輕堂上別，當時已在死生來。

其二

牀前永訣背歸期，兄弟空傳絕命辭。共見歸人衣上淚，偏流慈母手中絲。

其三

紅淚朝昏哭北堂，相聞也斷幾人腸。誰言南海明珠出，不待中原發夜光。

早春橋上，文自尾張來，數日輒還。

洛陽城畔日芳菲，客子忽來獨自歸。應道中原花鳥遍，不如東海海魚肥。

只示孔肇以寄公實。

春來波浪日侵人，明月難看南海濱。更有颶風吹毒霧，不言京洛苦紅塵。

呈曼卿

誰將魚目壓隋侯，明月光沈永夜愁。君自暗中看照乘，人間白日且難投。

其二

短褐相逢少世情，懷中光足動連城。荆山當日勞三獻，何似江湖共友生。

香汝人為余篆刻印章，賦謝。

秦篆新開翰墨頭，也知相映向千秋。病中坐動閭閻色，不問縱橫六國遊。

重送樂甫

落木蕭蕭氣色寒，琵琶湖水動波瀾。
千山曉日含雲霧，知爾歸途立馬看。

其二

歸心別恨日紛紛，且向天涯望白雲。
明到家鄉談攬勝，舊遊何處思氤氳。

有感詠李杜二公

真道人生似夢中，夢中詩酒幾春風。
篇篇自得銜杯際，夢寐誰論有謝公。

其二

神堯天下渭水空，涕淚流傳日本東。
却向楚山秋色裡，詩成萬古興無窮。

重送彥明

海門西去海天遙，南海烟雲西海潮。
君自山陽歸故國，客情千里不蕭條。

其二

風色蕭蕭朔雪催，衡門落日送君迴。
歸來何處山陽道，海上年華見早梅。

送僧玄澄還西海

離別經過居士家，蕭條楊柳雨聲斜。
故人故國誰相遇，麗藻新看闔雪花。

其二

洛城風物興猶新，明日歸舟西海濱。
即使不難方外別，可能無憶客中春。

雪夜重送孔肇

飛雪寒燈一酒卮，為言迴棹莫違期。
春風海上梅花落，還似京城送別時。

其二

離顏暫向雪中寒，明日舟船路不難。
自是南天春色早，鄉山遙帶暖烟看。

小集得如字

茂陵消渴卧相如，懶向梁園賦子虛。
明主同時恩不淺，還令筆札坐來餘。

又得宮字

草玄誰復問揚雄，執戟猶難入漢宮。
才子時時能載酒，解嘲還自任途窮。

同深卿賦得分字

南窓待月坐宵分
殘暑風微草木薰
江上輕舟迴短棹
憐君鄉思自氤氳

小集得深字

誰謂蓬蒿伏枕深
紅塵陌上日相侵
少年不解閑居意
莫使傾聽抱膝吟

明霞先生遺稿卷之四終

明霞先生遺稿卷之五

日本近江 宇鼎士新撰

七言絕句

小集得低字

處林丘招隱迷城居
幾歲自栖病來未擬
三都賦白髮徒悲落日低

左太冲有悲白髮賦

又得條字

春來抱病意無聊
白日空齋迎客消
莫道悲秋情漫

苦微風細雨轉蕭條

送深卿

鱸膾常思彈鋏中何堪客舍見秋風
三吳千里休官去况復扁舟咫尺通

其二

明時才子主難逢賣藥誰知賣藥傭
獨有論文相把袂交情更向別離濃

其三

浪華城下浪華橋影落江流明月搖
京洛青山元自

獸別離何得向君驕

其四

海門風色入秋悲蘆葦蒼蒼白露垂
借問詩成君獨望何如客裏夢歸時

其五

浪迹曾憐江海間今來想像送君還
年一伏枕秋風裡恨不相携解病顏

其六

江海風塵同調稀誰人詞賦待君歸
握中明月休相

示恐向浮雲有是非

九日明齋來過秩甫亦至賦贈

籬邊秋色菊花遲此日回頭更感時憐爾不尋高會

去還從二仲且追隨

九日小集得身字

登高處二毛新感慨翻多臥病身即見客來能作

賦何須更有白衣人

謝和希文見過

何來賣藥洛城隅菽水晨昏兼自娛不識陌頭裘馬

客時蓬華訪潛夫

贈和希文

故人如問卜居情藥裏携來咲此生莫謂終年無樂

事烟花風月滿京城

青孔肇七妹賦寄

誰憐紅粉委黃泥日夜高堂涕淚齊不見春風桃葉

好鵲鴿原上草萋

送周富輶還兼寄孔肇

中原屈指幾心知病裏何堪送別離南海舊遊還伏

東坡遺稿 卷之五
枕憑君傳語寄相思

贈人

世事年三感慨中而今卜築向城東
城東處一行應好也道風光不負公

寄橘時中

江海飄零知幾年浪華城下正周旋
故山風雪今多少梅柳春催客舍邊

峻卿見惠秋海棠賦以酬之

何物春華媚素秋堪消九辨賦中愁
不妨窈窕長無

語也學楊妃睡未休

寄田太公

浪華城裏幾年春薄俗憐君強自親
今日田園饒樂事煙花更不混風塵

山微卿自西海來遊歸期在秋四月
被促而歸三春行樂遠遊中西海
烟花夢寐空今日歸來魚亦羨洛城
何必見秋風

其二

春風猶未歎歸歟四海交情自不疎
離別豈無聞杜

宇中原落日重躊躇

答大行禪師

明時抱病閉玄關，裘馬年華絕往還。
獨有問奇妨窹寐，閑居猶未擬青山。

送人還越後

中原搖落惜離群，行路回頭望不分。
北海陰風吹早雪，憐君別恨更紛紛。

其二

幾年為客洛城隅，四海交游興不孤。
北地風烟誰復

共千山秋色重，踟躕

有感時事寄浪華諸友

漢主文章彼一時，洛陽秋色黍離悲。
莫言江上多明月，不及青山入酒卮。

處文輅歸道浪華賦以送之兼呈浪華諸君

舊遊知爾幾經過，城下清江秋水波。
共向中原思病客，海門風色為誰多。

偶作

知己年華不易逢，任他載酒且相從。
江湖長絕雲霄

明霞遺稿 卷之五
路出處無勞問曼容

其二

清時因病幾年春帝里烟
花愁殺人便見歲華催
髮青山無恙素秋新

寄處文

歸鄉不是錦衣情奉袂憐
君布褐清聖代寧須司馬
檄詩篇且見故人驚

其二

秋風忽解倚門愁不似紅
塵苦遠遊遊迹回頭真恐

尺藩園早晚命扁舟

寄大行禪師

病色相高四壁秋白頭新
向鏡中愁莫言縱酒多詞
賦似是蓮花社裏遊

其二

芙蓉秋老感年華春雨重
思居士家便見碧雲能掩
月不妨清影滿天涯

寄時中

新知握手向秋風別後悠
悠江水空借問故山千里

夢幾回能入洛城中

寄山生

江城幾歲苦風塵京洛春光客裏新一別浮雲消息
斷飄蓬或恐異鄉人

和荅士清見寄

風流千歲洛陽城兄弟相求遊子情湖海今無元禮
事唯知高臥二毛生

其二

咫尺江城握手難相思書札問加餐年年雨雪山陰

輿兩地空看江水寒

其三

浪華朝暮逐風塵憐爾清高態自真莫歎舊遊相見
少離居千里更愁人

重寄處文

思親輅別洛陽扉不擬尊鱸張翰歸故舊誰知為客
意莫嫌霄漢問翻飛

其二

金剛山色倚金天爽氣相兼為爾鮮病客幾時携手

去滄溟萬里見風烟

偶成

虛名幾歲歎為儒欲向高陽入酒徒多病不堪杯酌苦狂歌自和洛城隅

秋夜

秋夜漫不肯明白頭新促向蟲聲青年已棄紅塵下歌就還多寤戚情

九日作時新移居

王猷綠竹未能栽元亮黃花已自開但使近隣詩酒

足經過那問姓名來

和荅大行禪師

秋老山中人跡稀簷前朝暮白雲飛莫言城市無幽事明月明霞自不違

送人之薩摩

片舟西去九州南離別悠恨不堪邊地烟花誰共賞却思分手雪縑

早梅

一枝春色借陶家雪裡偏憐見歲華冷蕊疎猶未

數不言黃菊惜殘花

送唐彦明

董生帷下幾周旋，憐爾青春賦自傳。
莫嘆往來長作客，風流難遇武皇年。

其二

過逢相滂未多時，明日舟船又別離。
雨雪窮冬愁客路，故園春色與誰期。

賣茶翁詩贈月海老禪師

日二茶烟風裏輕，不勞回看白雲行。
客將流水經過

去買得誰知世上情

歲杪同處文希勳，分韻得年字時。
處文將歸省乃贈處文

風物蕭條欲盡年，寧親故苑輜開筵。
洛陽春色君相約，到日新詩更幾篇。

又得遙字贈希勳

京城臘盡景蕭條，為客誰憐故國遙。
明日春風吹萬里，海邊歸夢更迢迢。

又得書字

風雪蕭條逼歲除感時詞客惜三餘金門難玩人間世窓下年二幾卷書

又得前字

青春意氣是何年白壁將投按劍前解道人間多少事床頭日二枕書眠

又得仙字

當時何物酒中仙一斗還看詩百篇病客獨醒追楚客併哀湖海放流年

又得深字

多暇相携坐夜深題詩共見歲寒心才華自有春光在遮莫寒風四壁侵

又得花字

五柳蕭蕭處士家詩成歲暮見年華田園有客堪歸去更羨寒梅幾樹花

小集得輕字

東風二月柳枝輕載酒尋芳滿洛城也道病來春未負街頭時聽賣花聲

又得人字

雨足簷前楊柳新更逢過客且憐春誰知此日青陽
色自屬年臥病人

又得臺字贈西周倩

年病裏自停盃處烟霞懶上臺若道玄關長窈
冥君今作賦為誰來

送人之江戶

千里東遊傷海濱到來知已向誰新如今難問青雲
路只惜烟花故國春

送人之紀伊

壯遊知爾共誰人南海風烟到處新即使名山多
勝不思携手洛陽春

河孝熙書來述駿地之勝賦寄

遠遊何在富山傍萬仞芙蓉對酒觴秋至四愁吾更
切因君東望海雲長

和曼卿見寄

京洛重來知幾年琴心悠遠入山川桓譚還未論鹽
鐵却向千秋問草玄

重贈月海禪師

池上清風過客新相逢相值好誰親自憐茶竈烟消
後脩竹千竿一老身

雪庭老人六十壽詞為北擘甫作

京洛豪華君自知春風却憶少年時青樽綠酒人難
老况見梅花雪裡披

其二

城中高卧似林丘風物今逢六十秋處處烟花携杖
去春光幾度更遨遊

早春與希勳分韻得山字

年々棲息市門間塵事紛紛人自閑病裡新正俱作
賦春遊更約幾青山

五月六日小集得催字

陰雨意入黃梅詩句新從病客催昨日未沾佳節
酒獨醒寧學楚臣哀

又得雲字

滿庭芳草動南薰病裡披裘對夏雲高卧明時人未
老也言何必忝徵君

閏七月既望松高見過時有風雨得紛字

天風吹落雨紛紛，極目蒼茫滅火雲。幽桂花殘蘭蕙盡，楚吟難使世人聞。

閏七月肥人或致團扇，蓋其地所製也。時翰林管公苦暑，猶甚，乃奉贈此扇，以二絕。

五柳秋風吹到遲，誰從西海遠相貽。高樓更有難清暑，轉入朝回獨倚時。

其二

誰將明月寄冰心，子墨相傳入翰林。自是主人情不淺，清風寧問素秋深。

謝月海禪師見貽橘子

霜濃蘭菊已凋傷，君自閑行興轉長。莫道悲秋殊不管，也分黃橘玩遺芳。

寄題富筑岡岡在土岐侯江戸邸中可望富士筑波二山故以名岡云應田繁需

都下參差望兩山林，丘何處闢孱顏。青嵐時接東風裏，白雪長開春樹間。

其二

名山迢遞落東西，亭上清秋望轉迷。自是朱門卧遊

足画圖休說少文栖

送佐彦直還尾張

來遊京洛自何時閉戶新將病客知昨日秋風纔握手明朝朔雪又臨岐

其二

高堂親老再遊難鄉里交情元自寒只道歸來還閉戶不知年少作何看

唐母壽詩

春風稱壽幾才毫堂上開筵氣色高萱草年年長自

見何言東海有蟠桃

咏福壽草

黃花不必問清香盃酒還從處士傍凌雪誰言萱草綠金光臘月漏春光

和清和僧正辛酉雞旦韻

陽和先滿道場春漢主禳祈此有人八十看君錫難老更知稱壽幾回新

重和清和僧正韻

上國風光北野春明時備借杖朝人白雲自帶青雲

色歲事同塵同賞新

瀨母壽歌

江城何樹白華開萱草相魚照酒杯稱壽須看橋下水春流歲為君來

清和僧正見枉駕余病不能造詣作二絕句奉

謝之

多病年三世事疎近來詞賦得名虛豈圖四壁耽高枕門外還迴長者車

其二

世中難見故人情過訪因君感慨生二十餘年初拭目窮愁唯有鬢絲明

田弘鮮持贈辛夷花

木末芙蓉園裡開一枝紅萼此携來輞川勝事春何似病容因君思幾迴

其二

三月皇州春已闌烟花處欲尋難憐君木末芙蓉色不是同心那得看

詠新竹壽深海老媪

綠竹疎疎含露清，凱風吹動細條輕。琅玕已見千秋色，非復青春楊柳情。

重送公錦

風寒五柳日蕭疎，送爾依依恨有餘。還往寧無能載酒，悠行路奈吾廬。

其二

世情流水一溜，白眼何堪向客勞。共是途窮君更切，重從分手問縈袍。

答尾張西氏

東海蒼茫烟霧深，芳洲處漫相尋。醉來只解携蕭艾，憐爾先同楚客心。

和西黎獻雪後見懷

微雪寒宵帶月輝，懷人難叩洛陽扉。更將郢調遙相贈，何似山陰興盡歸。

北川翁六十壯甚，明年生日家人祝壽。翁予幼所狎，又有恩義，乃賦以贈之。

四十餘年情自親，南山此日一篇新。家鄉誰羨無扶老，行樂堪携上壽春。

三月壽歌

春風稱壽，百花開綠。酒清樽共，勸杯不見。歲寒松柏，色年更入艷陽來。

偶得禁庭花枝，喜而賦之。

上林花發，雨晴時。咫尺人間，總不知誰。怪年耽卧，病坐來分得兩三枝。

其二

四野風烟一望難，空庭徒惜艷陽殘。宮花不道塵喧隔，病裏相從掌上看。

奉謝翰林管公庭中蕙花

四月光風吹蕙花，芳菲春住鳳書家。主人楚調憐騷客，分與江湖共歲華。

送澤文石

少小辭鄉東海東，兩都風物薄遊中。移家又向西州去，到處何人意氣同。

其二

五月空齋披弊裘，陰綠樹別離愁。羨君攬勝山川足，此去高城傍海流。

相國寺慈照禪師因寺事赴江戶賦以奉送
真嫌塵事在高蹤千里江山日從東去關門看紫
氣西歸寺院問青松

其二

青天萬仞削芙蓉一望誰人不蕩胸今日那知禪客
意味如跌坐竹林重

牽牛花

點點青花魚白花芳槿一日共榮華獨憐清露朝暉
靜不見悲風夕照斜

題蘇子瞻寶山畫睡圖

風烟處幾揮毫却負峨眉白雪高即向寶山清晝
睡何酬歲宦遊勞

哭媪翁

十歲交情最是親憐吾臥病過青春起來携手君無
待雨雪空為泉下人

代皮生祝老姑七十壽

少小含恩比北堂南山共唱意偏長歲寒不改青松
節今日聊看七十霜

和春度春生雪夜見懷

兩雪空齋重敝裘何堪鶴警問風流病來况復無高興積素唯知添白頭

仙鶴為壽江戶大塚處士七十應關氏索

蓬渚遙連東海天飛來幾度舞翩然昂須伴江湖客春色新同杖國年

謝贈花諸君

抱病年不出門物華偏感艷陽暄折來相贈花相繼求恨春遊負幾園

其二

幾人城外看花回潦倒還含濁酒盃若謂風光違病客何因春興日相催

謝一壺禪師見贈庭花

竹院春深少往還庭花折贈市塵間數枝紅白看無厭也得浮生幾日閑

清和僧正數見贈花賦以奉謝

祇園春興共人間迎客看花幾往還獨有沈痾猶自滯時折贈解愁顏

其二

花宮四序百花開錦繡參差天女裁不是相憐居士
病蝸廬誰寄數枝來

管公見惠夏衣乃大夫人之命且其製也賦以
奉謝

五月披裘病自深却勞軒蓋幾回尋麻衣今日裁相
贈也見高堂雜珮心

和芥彥章九日見簡

九日黃花照席邊從教風雨滿秋天過逢何必勞携

酒陶舍囊中也有錢

送嵐法橋還越後

京洛春光共把杯衝寒北地為誰來雪山便不遮征
雁驛路如何滯早梅

其二

千里鄉愁難度秋丹青未歇客相求歸途山水知多
少寫得寧無供卧遊

偶作

四山風物四時新躡屐年逢幾人黃葉青苔秋已

助霞遺稿 卷之五
盡白雲明月夢猶頻

其二

四海山川遊跡稀
洛陽城下病依風
烟萬里秋相接
高臥時興自飛

謝妙乘上人見贈梅花

想像梅花處
披西郊折贈兩三枝
坐來詩興因君動
何限當年一字師

某生獲紅梅一枝見貽以索詩

紅梅爛熳發誰家
二月園林擅歲華
不惜一枝分病

客龍鍾也得對春花

其二

傳道紅梅日
開杖藜何處賞
春來非因折得能相贈
病裏空愁節序催

詠紅梅

白玉寒光彼一時
垂楊猶未掛金絲
獨憐朱蕊紅英
葳穠艷重春滿枝

其二

海底珊瑚難可看
春庭花樹自闌干
紅葩何必關吹

留不厭東風日二寒

清和院紅梅其蕊亦紅可愛也為賦

一片明霞疑梵宮春光不與世間同任他杏艷桃嬌
晚紅蕊紅花領暖風

賣茶翁僑居相國寺九月八日為余荷茶具來
大典禪師伴之有詩見贈乃賦以謝翁兼酬禪

師

九日陶家載酒來携僧煮茗席先開白蓮坐入林中
社黃菊寧思籬畔杯

其二

茶味芬芳添爽氣詩篇慷慨起清風舊痾輒得遊塵
外高臥何妨在市中

其三

年二病裡感秋深叢菊秋深轉不禁此日逢君俱啜
茗玩芳非復楚臣心

橘時中貽荔枝咏以酬之

青花紅實照炎方四序芬榮自國光東海園林清賞
足天涯相憶坐來長

其二

南中果實品殊高，奴從唯容龍目勞。北地誰從秋露冷，冰丸玄玉說葡萄。

李獻吉葡萄詩云：萬里西風過雁時，綠雲玄玉影參差。酒醒試取冰丸嚼，不說天南有荔枝。

其三

東海紛紛百草秋，因君更問七閩舟。即非當日鄉園美，猶向賓筵獨自優。

明霞先生遺稿卷之五終

